

鑊琴銅劍樓藏書目錄

加2
836
9



42



鐵琴銅劍樓藏書目錄卷第二十

常熟瞿鏞子雍

集部二

別集類二

徐公文集三十卷

校本

宋徐鉉撰邑人李學正浩錄本嘗屬友人邵君恩多

以周香嚴影鈔宋本校誤補脫惟武烈帝廟碑銘闕

葉三清觀記末葉周本亦無莫由補全宋本每半葉

十行行十九字有胡克順進書表陳彭年晏殊序徐

琛跋

河東先生集十六卷

舊鈔本

宋柳開撰門人張景編集凡十五卷末一卷為景所

作行狀一篇舊爲吳文定鈔藏本板心有叢書堂三

字

咸平集三十卷

舊鈔本

宋田錫撰文獻通考作五十卷疑此爲後人重編前列蘇文忠序范文正墓志司馬文正神道碑陰舊爲知不足齋藏本

卷首有歛西長塘鮑氏知不足齋藏書印朱記

乖崖先生集十二卷

舊鈔本

宋張詠撰後附錄本傳錢易墓志銘韓琦神道碑王禹偁贈序李燾乖崖堂記項安世北峰亭記及雜事爲一卷趙希弁讀書附志作十卷此從郭森卿刻本傳錄有森卿序卷數與陳氏書錄合當時固有兩本也

王黃州小畜集三十卷

補鈔宋本

宋王禹偁撰賦詩十三卷雜文十七卷有咸平三年自序紹興戊辰沈虞卿鏤板序謂內翰王公手編文集簡易醕質得古作者之體好事者得之珍祕不傳虞卿假守於此想見其人因以家笥所藏善本更加點勘鳩工鏤板以廣其傳云云序後附印書紙墨工價及校正監雕造銜名入行宋刊本存卷十二至十六卷十八至二十四餘皆石門呂無黨以謝氏小草齋本鈔補全故後亦錄謝肇淛跋板心有吾研齋補鈔五字

宋本上有野竹家吳郡沈文沈辨之朱記鈔本有惠棟之印字日定字朱記

王黃州小畜集三十卷

舊鈔本

此卽晉安謝氏鈔本序跋皆同板心有小草齋鈔本

五字肇測手跋曰予少時得元之詩文數篇讀而善之銳欲見其全集徧覓不可得既知有板梓於黃州託其州人覓之又不得去歲入長安從相國葉進卿先生借得內府宋本疾讀數過甚快因鈔而藏之今學爲詩者未能窺此老藩籬而動彈射宋人至不遺餘力此與以耳食者何以異悲夫萬曆庚戌三月望日後藏周櫟園汪秀峰兩家卷首有謝在杭家藏書周元亮家藏書新安汪氏啟淑信印諸朱記

王黃州小畜外集七卷

舊鈔殘本

宋王禹偁撰原書見陳氏書錄有二十卷今存卷七詩卷八雜文卷九論議傳卷十箴贊頌卷十一十二代擬諸作卷十三序蘇魏公頌有序見集中謂前集

公手自編纂而遺編墜簡尙多散落曾孫芬購尋哀類又得詩賦碑誌論議表著凡二十卷目曰外集案芬皇祐進士官集賢校理諸王府翊善

和靖先生詩集一卷

宋刊殘本

不題名前有皇祐五年太常博士宛陵梅堯臣撰序略曰先生詩時人貴重甚於寶玉先生未嘗自貴就輒棄之故所存百無一二諸孫大年掇拾之請爲序云云每半葉九行行二十字樹字闕筆構字注高宗廟諱敦字注御名光宗時刻本也原書分上下二卷今存上卷詩編古體律體五七言律絕不分列猶存古式其足以校正明刻四卷本舛譌甚多如湖樓寫望不作晚望詩云秋靜雁行高不作秋淨上湖閑泛

云平望望不極不作平皋中峰行樂不作行藥西湖
舟中值雪云温鑪接薄薰不作擁薄薰送長吉上人
云行行肯發禪不作廢禪送史殿省典封州云唯應
侍藥罷不作蒔藥送王舍人云上閣還旄節不作上
問清談傾祖席不作綺席喜馮先輩及第後見訪不
作馬先輩病中謝馮彭年見訪云新篁籜半披不作
未披西村晚泊云那辭遲新月不作那堪寄臨川司
理趙時云驛路向山郭不作江郭和酬杜從事題壁
云題贈比兼金不作題此槐木紙椎不作紙硯送范
寺丞云中林蕭寂款吾廬不作林中疊疊猶歡接緒
餘不作猶欣山閣偶書云餘生多病期恬養不作怡
養和酬周寺丞云除是千廬貴遊客不作平廬復送

慈公還虎邱山云香林禪石抱雲痕不作雲根和蒙
尉見寄云敢將閑卧敵隆中不作高臥夏日卽事云
不辭齒髮多衰疾不作衰病粉竹亞梢垂宿露不作
垂薄露湖上隱居云閉門自掩蒼苔色不作閑門送
遂良師遊嘉禾不作逐良師山舍小軒有石竹二叢
因成七言二章不作因成二章詩云冷搖疎朵欲無
春不作欲生春可開秋色易爲花不作可關又莫管
金錢好行市有小注云陸魯望有詩云如今莫共金
錢鬪買斷秋風是此花明本脫湖上晚歸云寺倚雲峰
更晚晴不作正晚晴詠茶云乳花烹出建溪春不作
乳香人閒絕品人難識不作世間和史宮贊云門對
遠峰青不作遠岑杏花云不禁烟雨輕欺著不作輕

敬春日寄錢都使云指背挾肩行樂事不作指背湖
山小隱云且併閑功子細鈔不作閑工送僧機素還
東嘉云東巖有函石不作幽石和酬天竺慈雲大師
不脫酬字宿姑蘇淨慧大師院不作太師送人知蒼
梧云爪身南望但依依不作側身寄輦下傳神法相
大師云羅重折秋衣不作拆秋衣送僧之姑蘇云茶
色晴空映不作岑色寄清曉閣梨云還肯重相望不
作相訪寄胡介云一食其寒蔬不作一飯留題李頎
林亭云兼琴枕鶴經不作無琴冬夕得衛樞至不脫
冬字詩云空齋留與宿不作竝宿贈胡又不作胡介
贈金陵明上人云亡國名流重不作上國疑宋本謫旅館
寫懷云危坐對浪浪不作對滄浪偶書云直語多時

忌不作時多忌幽腸俗不分不作幽懷汴岸曉行云
孤烟開道店不作開店道初陽去浪明不作出浪明
黃家莊云落然隨分起詩愁不作時愁僧有示西湖
墨本云己共孤山畫入圖不作入畫圖明刻梅序脫
謫尤多如寧海西湖之上寧海作錢塘趣尙博遠趣
尙謫趨向天子修封禪天子謫朝廷一來相遇無不
語合脫相遇無不四字君既老下脫朝廷二字而令
長吏而謫乃年六十一一謫二故所存百無一二存
下衍者字宋刻勝處若此未知下卷猶在人間否舊
爲太倉黃攝六藏本有手書跋云和靖集余向購之
於武林徐門子鋪中後歸靈均靈均身後藏書散盡
此冊以殘缺獨存戊子夏趙昭攜過溪上因復留之

如異鄉見故人也攝六黃翼冊首籤題宋林和靖詩

集六字爲靈均筆卷首有有明黃翼收藏圖朱記

林和靖詩集四卷明刊本

宋林逋撰後有補遺一卷梅堯臣序嘉靖間雲間喬

時敏刊於杭州有刻板序

河南穆先生集三卷舊鈔校本

宋穆修撰附錄遺事一卷祖無擇編本淳熙間永州

教授歐陽椿得其本刻之以傳有無擇序劉清之後

序書中構字皆注御名則自宋刻本傳錄者有朱筆

校字正誤甚多末題云甲午季夏月下浣械林承望

雲閣主命校此

鉅鹿東觀集十卷校本

宋魏野撰野本隱士歿贈祕書著作郎其子閑編其

集援漢書班固引著作局爲東觀故事故名曰鉅鹿

東觀有薛田序舊爲士禮居藏本黃堯圃以宋本校

正有跋曰余向於顧抱冲處見有宋刻東觀集擬假

錄未果乾隆乙卯仲冬晦日偶於五柳書居得是本

假抱冲宋刻本校勘一過訛字頗正頗多宋刻闕四

五六卷係鈔補本爲曹潔躬物後貽我郡陸其清今

抱冲得於顧聽玉家古書源流固不可沒云

武溪集二十卷明刊本

宋余靖撰其子仲荀編四庫著錄卽是本也篇目

與歐陽公所撰墓誌悉合明成化間邱文莊得其本

於館閣錄副以傳屬韶郡太守刻諸郡齋有屯田郎

中周源序

范文正公集二十卷別集四卷

元刊本

宋范仲淹撰淳熙間綦煥校定有蘇軾序俞翊跋及

後有墨圖記篆書云天曆戊辰改元褒賢世家重刻

於家塾歲寒堂殆文正後人即依原本繙雕故寫刻

皆古雅與宋本款式無異

卷首有毛晉私印子晉二朱記

河南先生文集二十七卷附錄一卷

舊鈔本

宋尹洙撰文二十五卷二十六七兩卷為五代春秋

附錄本傳墓表墓誌祭文乞與尹構官狀及雜見事

蹟為一卷前有范仲淹序郡人吳翌鳳得錄青芝山

堂本以盧抱經所藏本校過補脫改謔為多

祖徠文集二十卷

影鈔宋本

題祖徠石介守道無序跋每卷目後連接本文中遇

宋帝及本朝字俱空格宋諱字亦闕筆 四庫著錄

本第四卷內闕寄元均叔文讀易堂水軒暫憩四詩

此本不脫猶為完善之本

卷首有平江陳氏西畝藏書陳埶印復初氏張位之

印諸朱記

鐔津文集二十二卷

明刊本

宋藤州鐔津東山沙門契嵩撰弘治間沙門如蓋刻

本首載尚書屯田員外郎陳舜俞鐔津明教大師行

業記有沙門文琇如卷廣源序

雪竇頌古集一卷拈古一卷瀑泉集一卷祖英集二卷

宋刊本

宋僧重顯撰題弟子遠塵允誠思恭圓應等集有曇玉圓應文政等序遵王錢氏所藏祇有祖英集一種此其全帙也頌古集後有參學仙都沙門簡能校勘一行祖英集後有四明洪舉刊一行每半葉十一行行二十字廓字減末筆當是寧宗後刻本舊為泰興

季氏藏書卷首有季振宜藏書朱記

雪竇頌古集一卷元刊本

題參學小師遠塵集卷末有至正元默敦牂鞋賓朔日一行當是紀其刊竟時也

古靈先生文集二十五卷宋刊本

宋陳襄撰其子紹夫編後有附錄一卷先是同里徐世昌刻之有紹興五年李剛序紹興三十一年族裔

輝重刻於贛之郡齋有後跋輝子暉編年譜附後集首冠以紹興元年求賢手詔并熙寧經筵論薦司馬光等三十三人章藁漁洋山人所見小草齋謝氏鈔本僅二十卷非全帙也是本字近柳體每半葉十行行十八字板心有字數與海寧吳槎客藏本同末有使遼語錄一卷卷首有梁溪顧氏朝泰珍藏朱記

青社黃先生伐檀集二卷明刊本

宋黃庶撰上卷為詩下卷為文舊皆附山谷集後有庶自序諸孫榮營二跋

溫國文正司馬公文集八十卷宋刊本

宋司馬光撰題溫國文正司馬公文集與世行本稱傳家集者不合其編次亦異凡賦一卷詩十四卷章

奏謚議四十卷制詔一卷表一卷書啟六卷序二卷
記傳二卷銘箴頌原說述二卷贈諭訓樂詞一卷論
二卷議辨策問一卷史贊評議疑孟一卷史刻迂書
一卷碑誌五卷祭文一卷每半葉十二行行二十字
書中桓字注淵聖御名構字注御名是紹興初年刻
本也前有紹興二年劉嶠刊板序及進書表今世行
傳家集誤劉嶠爲劉隨并節去序文首尾及年號官
銜表亦不載今竝附錄以表宋刻之真序曰孔門以
顏回爲德行之首於其問仁則曰天下歸仁焉於其
問爲邦則告以虞夏商周之政何哉以其德行舉而
錯之事業則所謂言語政事文學皆其所優爲者孔
子所以稱其賢則其心固以王佐許之矣若餘子未

免夫貨殖者晝寢者無所取材者難與竝爲仁者惡
可與顏氏子同年語哉孔子曰文莫吾猶人也躬行
君子則吾未之有得蓋言難其人大丞相溫國文
正司馬公出於去聖數千歲之後其公忠直亮根於
性質之自然非勉而中思而得者見於修身踐言則
孝弟忠信雖蠻貊而可行在屋漏而不愧至其施諸
政事則闢百聖而不慙蔽天地而不恥其發爲文章
則探陰陽造化之蹟以豐其源躬仁義禮樂之實以
沃其膏酌聖賢出處之正以厲其操通古今因革之
變以傳其施非徒載之空言也是文也君天下得之
足以鑒興衰通治體公卿大夫得之足以勸忠嘉盡
臣節士庶人得之足以檢身厲行爲君子之歸以至

山顛水涯幽人放客得之則浩歌流詠斟酌厭飫隨
取隨足夫丹青可渝而公之文不可朽也金石可磨
而公之文不可磷也山可摧澤可涸而公之文愈久
愈新垂世而亡窮也公又嘗著資治通鑑備論前世
君臣善否之蹟與其理亂興亡之證別爲一書公非
有意於立文者然將以鼓吹六經羽翼名教則肆筆
爲言不約而成章古語曰木有文而水有波雖欲更
之無奈之何韓愈曰仁義之人其言藹如也昔顏淵
死孔子曰噫天喪予憫王道之無傳也公立朝大節
輔相勲庸凜凜在人耳目公雖云亡斯文未喪學者
傳誦非獨得其言得其書而已文集凡八十卷爲二
十八門其間詩賦章奏制詔表啟雜文書傳無所不

傳實得於參知政事汝南謝公謝公語嶠曰艱虞以
來文籍散亡子曾大父雜端公熙寧二年坐詆時政
及再繳詔赦還中書謫守九江一斥不復司馬公時
營救甚力章疏具載國史天下所共知之且趣嶠叙
其首鏤行於世嶠雖淺陋未學然服膺此書舊矣矧
復世篤忠義之契顧何敢以不敏辭紹興二年歲在
壬子九月旦左朝請郎直徽猷閣權發遣福建路提
點刑獄公事吳興劉嶠謹序表曰臣嶠言准尙書省
劄子備奉十月二十九日聖旨因祕書省有請以臣
近刊司馬光文集許令投進者斷編參訂深虞三豕
之傳疑睿旨聿頒忽覩六丁之下取前賢增重晚學
與榮臣嶠誠惶誠懼頓首頓首竊以先正若司馬光

大用於元祐際奮身許國揭萬代之規模張膽極言
切一時之利病資治體則已詳於通鑑舉事要則咸
備於歷書至其翰墨之餘猶盡天人之奧言言霜日
之可畏炳炳丹青之不渝繫仁廟之末年建明是賴
暨英皇之當亡獻替居多維裕陵眷注之最深而權
臣詆排之尤力與其位高而言廢曷若身退而道尊
逮宣仁復辟之初屬時相蔽賢之日揚雄歿而是非
乃定九齡罷而治亂遂分茲遇公朝載加贈典爰討
論乎舊政且搜訪其遺文國論交欣儒林動色恭惟
皇帝陛下緝熙奧學繼紹丕基景運中興方遵養於
時晦聖謨博採常講論於夜分臣得善本於近臣之
家冠蕪詞於成書之首寫諸琬琰羽翼魯堂之六經

信若著龜批糠唐室之三鑑覽獲塵於間燕榮實賁
於幽原緬懷間世之鉅公曾是先臣之知己叩閣而
救張說豈獨見於空辭掠麻而沮延齡尙想聞於正
色匪徒勲業煥在簡編期有補於將來庶永垂於不
朽斯文未泯僅存石室之藏舊德益彰重上茂陵之
藁所有司馬光文集八十卷計十有七冊謹隨表上
進以聞臣嶠誠惶誠懼頓首頓首謹言紹興三年十
一月日左朝請郎直徽猷閣權發遣福建路提點刑
獄公事兼提舉常平等事臣劉嶠上表表後有朱筆
題洪武丁巳秋八月收入字爲徐良夫手筆卷末有
弘治乙丑盧雍題記云國初吳儒徐松雲先生收藏
溫公集八十卷缺九卷雍謹鈔補以爲完書云又黃

不烈跋云此本爲宋最初之刻錢竹汀謂余曰宋王
深寧撰困學紀聞載溫公集字句多與此刻合知深
寧所見卽是本也世行本以傳家集爲最古今見此
紹興初刻題曰溫國文正司馬公文集則傳家之名
非其最初及觀周香嚴所藏舊鈔本亦爲卷八十題
曰司馬太師溫國文正公傳家集卷末有泉州公使
庫印書局淳熙十年正月內印造到又有嘉定甲申
金華應謙之及陳冠兩跋皆云公裔孫出泉本重刊
是傳家又重刊本矣卷首有徐達左印松雲道人徐良夫藏書二朱記
司馬太師溫國文正公傳家集八十卷明刊本
此本爲嘉靖間潛江初啟昭所刻高陵呂公枬校定
前有劉隨序隨乃嶠之誤序文亦不全

趙清獻公文集十六卷元刊本

宋趙抃撰有景定元年陳仁玉序是本乃至治初重
刊者有至治首元蒙九晉人僧家奴鈞元卿跋凡詩
七卷文七卷補遺一卷附錄一卷

趙清獻公集十卷明刊本

此成化七年順天府尹閻鐸重刻本詩五卷文五卷
與原本卷第不同附錄一卷亦未載

直講李先生文集三十七卷外集三卷明刊本

宋李覲撰明左贊編輯附錄告詞劄子薦章書序詩
墓銘爲外集三卷末附祠堂記及年譜卷首有蕭亭蕭氏蓼書朱記

鄖溪集二十八卷鈔本

宋鄭獬撰前有建康泰熯序原書五十卷淳熙丙辰刻於安陸郡學其本久佚此閣本從永樂大典錄得凡文二十四卷詩四卷

錢塘韋先生集十六卷

舊鈔本

宋韋驥撰卷一至九爲詩卷十至十八爲文原書十八卷其前一卷已闕較四庫著錄本尚多二卷後有乾道四年孫右奉直大夫知汀州軍州主管學事兼管內勸農使能定跋云先大父文稿二十卷最後一卷遺失能定大懼歲月寢遠復有亡逸以隳先志謹命工鋟木於臨汀郡庠書中遇構注太上皇帝御名是猶從乾道本傳錄者舊爲吳中周香巖藏書

安岳馮公太師文集十二卷

舊鈔本

宋馮山撰原書三十卷景定中瀘州周銳合其子澥集四十五卷并刻之故劉光祖何惠固作序稱二馮先生文集今澥集全佚而山集失去十八卷唯存全書目錄傳是樓著錄亦同蓋世無完本矣

元豐先生南豐類藁五十卷

明刊本

宋曾鞏撰後有附錄一卷成化六年南豐令楊參刻本目錄後有墨圖記二行云成化壬辰秋八月良旦南豐縣綉梓重刊有王震舊序及丁思敬序

南豐曾先生文粹十卷

明刊本

不著編輯姓氏惟題盱江張光啟交無錫安如石刊有嘉靖己酉王慎中序亦不言何人編選

洛陽九老祖龍學文集十六卷

舊鈔本

題龍圖閣學士左諫議大夫上柱國范陽郡開國侯
食邑二千八百戶賜紫金魚袋祖無擇撰詩六卷文
四卷其卷十一至十六皆附錄名臣賢士當時贈答
詩文及家集中傳記赦書也未有曾孫衍述祖氏源
流始末及趙國體跋

宛陵先生文集六十卷

明刊本

宋梅堯臣撰歐陽修序後附錄墓誌贈答詩文及補
遺詩文爲一卷宋刻不傳正統間宣城守袁旭得其
本於公之後裔刻之以傳楊士奇作跋後有姜奇芳

刻本卽從此出舊爲崑山葛氏藏書

卷首有葛蘄私印靖調二朱記

范太史集五十五卷

舊鈔本

宋范祖禹撰無序跋凡詩三卷表狀劄子九卷奏議

十四卷進故事一卷翰林詞草六卷啟狀一卷賦論

策問一卷記序銘書傳一卷青詞祭告文哀詞諫文

一卷墓誌神道碑銘七卷皇族墓誌銘八卷皇族追

封記石記一卷皇族石記一卷手記一卷手記皆書

元祐間一時名人蓋記其所知者以待薦剡也是集

世有二本明程篁墩從祕閣鈔得摘錄刊行僅十八

卷此爲足本與陳氏書錄宋史藝文志合

卷首有樂意軒吳氏

藏書朱記

文潞公文集四十卷

校本

宋文彥博撰前有石林葉氏序略及嘉靖五年高陵
呂柟序其本多譌脫仁和胡心耘珽以文瑞樓鈔本
攜示檢覈之是正甚多如卷二十五答詔中第使之

城數亭障制虜衝軼耳非復下行有而二字脫去前日圖也所以張大其名若入討之爲者蓋兵法有之用而廿三字卷二十六論西邊事中比其蘭州本屬董璫下脫去夏人得之爲己三十八九年董璫十三字卷二十七元祐元年答奏中西人亂弱下脫去取如拾芥又可信乎國之大事豈可數爲十六字卷二十八進漢唐故事第五中召客者以被牆下脫去古者以奉一帝一后而節適十一字其餘改譌補墨丁處不可勝數蓋猶出自宋刻也

卷首有御史之章季振宜印滄葦諸朱記

伊川擊壤集二十卷

宋刊本

宋邵雍撰前有治平丙午自序及元祐辛未邢恕序後附集外詩十三首每半葉十行行二十一字楷墨

精好惟人鬼吟卷八與卷十二重出舊爲邑中張芙川藏書卷三冊首空葉有芙川以血書南無阿彌陀佛六字題其後云擊壤集宋刻罕見昔年由士禮居得三至六四卷爲季滄葦舊藏此全部首尾完整汪氏藝芸書舍散逸乙巳十一月得之愛不能釋展讀三復以血書佛字於空頁惟願此書流傳永久無水火蠹食之災後之讀是書者其知所珍貴也夫

卷首有安

樂堂藏書記愛日精廬藏書
蓉鏡心賞芙川鑒定諸朱記

鄱陽集四卷

鈔本

宋洪皓撰原書十卷刻之新安者已佚今館本從永樂大典錄出後附其子适原跋錄自盤洲集

濂溪集六卷

明刊本

宋周子撰前有紹定元年萍鄉胡安之序卷一爲公年譜山陽度正著卷二爲太極圖說通書拙賦養心亭說及詩十一首卷三以下皆附錄正德間刻本後有新寧林山跋謂編之者周世係倫刻之者黃子敏才也

周元公集十卷

明刊本

此本爲天啟間武陵黃克儉所刻蓋依萬曆二年崔惟植刻本分十卷太極圖說通書爲二卷雜著一卷附錄七卷較正德本增文二篇書六篇詩十八篇而無年譜有丁懋儒崔惟植黃克儉序

節孝先生集三十二卷

明刊本

宋徐積撰集本三十卷首載事實一卷後附語錄一

卷此明嘉靖間淮安兵備副使劉祐繙雕宋景定本目錄後有迪功郎淮安州學教授翁蒙正景定甲子孟秋初吉重行編次校定二行仍舊式也有王夫亨序

歐陽文忠公居士集五十卷

宋刊本

宋歐陽修撰蘇軾序此書編次爲公晚年所自定凡詩十四卷賦雜文一卷論二卷經旨辨一卷詔冊一卷神道碑銘四卷墓表二卷墓誌銘十二卷行狀一卷記二卷序傳四卷書三卷策問一卷祭文二卷每卷末有熙寧五年秋七月男發等編定紹熙二年三月郡人孫謙益校正二行卷一後有白文二行云李文敏公家藏公之孫恕宣和癸卯寫本今以考證異

同於后其各卷後或有朝佐考正語者丁朝佐也每
半葉十行行十六字卷首有玉蘭堂五峯樵客古吳
王氏王履吉印梅溪精舍辛夷

館印諸
朱記

歐陽文忠公集一百五十三卷

明刊本

此周益公編本首列年譜一卷後有附錄五卷凡分
居士集外集易童子問外制集內制集四六集奏議
集雜著述集古錄跋尾書簡爲十種明天順間邑人
程宗重刻於廬陵郡學宗字源伊以詩經中柯潛榜
進士由刑部員外郎出知吉安府事履任未期月訪
求是書舊本於胡文穆子永肅家遂捐俸刻之有蘇
軾居士集序胡柯年譜跋及錢溥彭昂序卷首有東
吳鹿城胡
氏四香山房
圖書記朱記

歐陽先生文粹五卷

宋刊本

宋陳亮編凡文一百二十篇又拾遺十一篇此書各
家著錄皆作二十卷是本密行小字獨分五卷誠爲
希覲前列蘇軾序及當時名人祭文目錄後有乾道
癸巳陳亮後序每半葉十四行行二十六字板刻精
妙字句與本集頗有異同竝資參考卷中多正書本
印云安撫提刑注郎中置到紹興府學官書許生員
關看不許帶出學門蓋爲明時官學藏書

樂全先生文集四十卷

舊鈔本

宋張方平撰蘇軾序附王鞏撰行狀爲一卷狀中述
公有玉堂集二十卷迺制草之文別錄成編故不載
集中書內慎字皆注御名蓋孝宗時有刻本也卷首
有海

寧楊芸士藏
書印朱記

范忠宣公集二十卷 元刊本

宋范純仁撰集本十七卷其十八至二十附國史本

傳及行狀舊為公從元孫之柔所編有樓鑰序之柔

及沈圻廖視陳宗道跋 卷首有武林諸氏家藏朱記

類編增廣老蘇先生大全文集四卷 宋刊殘本

此書不見諸家書目亦無序錄原本卷數無考僅存

古律詩二卷雜論一卷經論一卷其詩標紀行懷古

投獻簡寄酬答送行釋氏九日器用寺觀祠廟山水

城洞園圃書畫禽獸自述挽辭效古諸類較嘉祐集

增多遊嘉州龍巖初發嘉州襄陽懷古寄楊緯和楊

節推見贈答張子立見寄送蜀僧去塵九日和魏公

題仙都觀遊陵雲寺過木樨觀神女廟題白帝廟萬

山荆門惠泉昆陽城題三遊洞與可許惠所畫舒景

以詩督之仙都山鹿自尤凡二十首嘉祐集送任師

中此作吳師中雜論中增辨姦論一篇每半葉十五

行行二十五至二十七字不等殷微匡字闕筆而桓

字不改作威亦不闕筆疑是北宋麻沙本也 卷首有

人范文安
珍藏朱記

嘉祐集十五卷 校宋本

宋蘇洵撰是書郡人蔣篁亭黃堯圃皆有校宋本此

即依之校改是正為多

嘉祐新集十六卷 校宋本

宋蘇明允集宋時有二本一名嘉祐集一名嘉祐新

集此馮已蒼氏以家藏明刻悉依宋本改正增鈔附錄一卷末有紹興十七年四月晦日婺州州學雕教授沈裴校二行又有朱筆題記云乙酉夏避兵城東之洋蕩村借錢頤仲宋本校增村中無事十日而畢六月二十七日孱守老人記卷首有上黨大馮收藏圖書記朱記

臨川王先生文集一百卷

宋刊本

此臨川曾孫珏刊本前有小序云曾大父之文舊所刊行率多舛誤政和中門下侍郎薛公宣和中先伯父大資皆被旨編定後罹兵火是書不傳比年臨川龍舒刊行尚循舊本珏家藏不備復求遺稿於薛公家是正精確多以曾大父親筆石刻爲據其間參用眾本取捨尤詳至於斷缺則以舊本補校足之凡百

卷庶廣其傳云紹興辛未孟秋旦日右朝散大夫提舉兩浙西路常平茶鹽公事王珏謹題又有總目惟載某卷之某卷某體詩某體文其細目載每卷前目後卽接本文每半葉十二行行二十字書中桓字作淵聖御名構字作御名慎敦廓字不闕筆雖有後來修板謬誤不少而原書尙是紹興舊刻可知覈之明繙詹大和刻本卷第皆同惟輓詞類中少蘇才翁輓詞二首集句中少離昇州作一首而多移桃花一首詩云舍南舍北皆種桃東風一吹數尺高枝柯薦綿花爛熳美錦千兩敷亭皋晴溝漲春綠周遭俯視紅影移漁舸山前邂逅武陵客水際髣髴秦人逃攀條弄芳畏日晚已見黍雪盤中毛仙人愛杏令虎守百

年終屬樵蘇手我衰此果復易朽蟲來食根那得久
瑤池紺絕誰見有更植花時且追酒君能酩酊相隨
否案此詩不似集句疑當時誤編入也

廣陵先生集二十卷

舊鈔本

宋王令撰外孫吳說編後有拾遺及附錄二卷是集
刻本不傳鈔本多譌謬不可句讀卷第亦不同或作
三十一卷或作四十二卷皆鈔胥任意分編此本出
自明人尙清釐可觀

集註東坡詩前集四卷

宋刊殘本

舊不題名原序已失不知何人編輯注有趙云師云
李云傅云程云胡云宋云孫云又有自注補注新添
皆作白文案乾道前注蘇詩者趙夔有分類第一注

本又有四注五注八注十注各本此書疑卽十注本
考所注諸家姓氏趙夔字堯卿又趙次公字彥材皆
蜀人師尹字民瞻居里未詳傅藻字薦可僊溪人程
縝字季長居里未詳宋援字正卿孫倬字瞻民皆蜀
人唯胡姓未詳所謂補注新添亦未知何人之注又
案王文誥云乾道時合任居實及二趙程李林師七
家爲八注又合八注與孫倬李厚爲十注據此與此
本微有不合書名標前集未知尙有後集否原書十
八卷目錄鈔補今存卷一至卷四其卷四一冊另一
板本三卷本每半葉十四行行廿五字大小字同第
四卷本每半葉十一行行廿二字宋廟諱完字構字
減筆板刻清朗字體勁正當是南宋麻沙本之佳者

舊爲子準陳氏藏書

卷首有稽瑞樓朱記

東坡全集一百十五卷

元刊本

宋蘇軾撰宋時杭州刊本爲分集編訂此卽從之繙

雕卷首有宋帝贈敕賜贊後有本傳年譜墓誌各一

卷卷首有吳郡張紹仁學安藏書朱記

東坡先生翰墨尺牘入卷

元刊本

此書與全集尺牘類中頗有出入乃當時別行本猶

山谷集外之有刀筆也

樂城集二十一卷

宋刊殘本

宋蘇轍撰原書九十六卷此存前集三十三至三十

七又三十九四十四十二後集卷九至廿一卷中篇

次與明刻略異猶存手自編定之眞每半葉十一行

行十八字倍字闕筆而敦字不闕當爲光宗前刻本

舊藏士禮居黃氏

每卷有安節耕野朱之蕃印諸朱記

樂城集五十卷後集二十四卷三集十卷應詔集十二卷

明刊本

此書淳熙開禧間俱有刻本晁陳二家書目所載卷

數與此本合前列本傳諡議二篇明人所增目錄後

有清夢軒藏板五字有鄧光跋及曾孫詡四世孫森

跋

豫章黃先生文集九十七卷

明刊本

宋黃庭堅撰內集三十卷外集十四卷別集二十卷

詞一卷簡尺二卷其年譜三十卷公之孫留撰嘉靖

間分寧周季鳳鈔自內閣巡按江西御史西蜀徐岱

屬寧守喬遷刻之猶不失宋本之遺有岱及周季鳳
序後附伐檀集二卷

豫章先生遺文十二卷

影鈔宋本

嘉定戊辰曾孫銖後序謂今所傳豫章文集多遺闕
持節東蜀訪諸耆耄得之黔樊閒凡若干紙別而為
二曰遺文曰刀筆則當時與刀筆合刻者凡詩一卷
銘贊頌序一卷記書一卷表奏狀啟婚書一卷雜著
一卷疏祝文青詞祭文一卷墓銘墓表一卷行狀一
卷題跋三卷行記一卷附宜州乙酉家乘於後是書
較豫章文集中別集字句頗有異同每半葉入行行
十五字宋諱字亦有闕筆確從舊本錄傳舊為平津
館藏書

卷首有孫星衍芳
茂山人二朱記

山谷老人刀筆二十卷

明刊本

此本與全集中簡尺微有不同宋時已有別行本矣

卷首列山谷老人傳一篇

黃太史精華錄八卷

明刊本

宋天社任淵選有序明朱承爵刻本有跋所鈔詩文
甚略何大復王漁洋皆謂其採取未愜人意疑即承

爵偽託以向來藏書家視為祕笈故存之

卷首有王
時敏烟客

錢燕喜印壽平
正叔諸朱記

后山詩註十二卷

宋刊本

題天社任淵前三卷鈔補卷首舊有政和五年門人
魏衍撰彭城陳先生集記政和丙申元城陳雲題詞
及目錄此未鈔補題低五字詩句下低一字提行列

注亦用大字每半葉十三行行廿三字筐恒樹桓字
闕筆字句有勝於官刻本者今悉舉之如卷二徐氏
閑軒注云徐氏謂徐正大不作大正卷三送黃生云
百年論交見子心不作見子知胡士彥挽詞云經年
見未頻不作未見頻卷四以拄杖供仁山主云一生
用底今相贈不作令相贈西湖云寒花只自香不作
知自香卷五次韻晁無斃冬夜見寄云寒窗冬硯欲
生塵不作冬夜卷六寄鄧州杜侍郎云人去此事古
未有去爲云字之譌官刻作言字注中陳仲弓黃叔
度能過之否否字下無乎字公自爲德吾何取不作
取爲德寄杜擇之云衡陽紙貴子能頻不作洛陽桓
山不作柏山林巒特起終爲汗不作終有汗和黃預

感秋云霜黃未登俎不作皆登俎卷七和黃生春盡
遊南山云內愧積腹臆不作腸臆茅屋溼風霜不作
漏風霜何郎中出黃公草書云好事元須一賞足不
作無須晚歲河山斷夢思不作何山贈鄭戶部云十
載歸來遼海東不作千載卷八黃預輓詞云玉筍凝
潮後不作冰潮後覽勝亭云草木眞宜主不作眞成
主卷九答田生云人今未肯忘不作人盡終能諱祕
方不作終無卷十寄酬咸平朱宣德云今詩初得心
不作今時絕句二首云勤苦著書如作吏不作此吏
謝趙生惠芍藥云要將結習惱鶯子不作將要卷十
一別劉郎云公私兩多事注云公私勿勿不作怒怒

宛丘先生文集七十六卷

舊鈔本

藏書目錄卷三

三

誦芬室叢刻之一

題張耒文潛此本編次分卷與今官刻柯山集五十卷本不同卷一至三爲賦卷四至二十一爲古詩卷二十二至三十三爲律詩卷三十四至四十二爲絕句卷四十三至四十五爲古樂府歌詩卷四十六爲騷卷四十七爲哀挽卷四十八爲表狀卷四十九爲啟卷五十爲文卷五十一爲贊銘偈疏卷五十二五十三爲題跋卷五十四五十五爲記卷五十六爲序卷五十七爲議說卷五十八至六十五爲論卷六十六六十七爲書卷六十八至七十爲墓誌與傳卷七十一至七十六爲同文倡和按文獻通考載柯山集有一百卷周紫芝所見亦有七十卷及百卷者是本卷數雖增於官刻而詩篇大略相同惟文類中增多

新居上梁文哭下殤文二首書簡類中增多與陳三書代范樞密答陳列書與范十三元長書二首墓誌類中增多華陰楊君墓誌晁無咎墓誌銘田奉議墓誌崔君墓誌符夫人墓誌五首至若評書評賈島詩二首兩本皆有其實爲歐陽公作編者譌入之也官刻本與魯直書夫交者君子之所甚慎而某下有闕文此本不闕補錄於左以供好古者之校訂乃請之以書而復以是望於人亦少輕矣惟某之誠心其所素信有過於面見者故不復自疑又嘗以謂天下之物舉不能遁於至誠之外顧某之不才未必有能使魯直未嘗見而如見之者然魯直又安能無動於吾誠乎魯直以謂如何也聞魯直於文章無所不能而

獨喜爲詩某竊好之然不足以望餘光謹錄其詩五十首亦將以釣魯直之近作顧投者薄矣而求者甚重故於介者之行也歌木瓜三章以送之漸寒伏惟

校讐之餘爲道自愛

張文潛文集十三卷

明刊本

題起居舍人張耒文潛撰凡論十卷雜著二卷序記一卷明郝梁刻卽胡應麟筆叢所載之本猶出宋人鈔錄故廟諱皆有改字減筆較今刻柯山集增多文十餘篇雖非完本亦可貴也有馬鮒序郝梁跋舊爲

孫潛夫藏書

卷首有孫潛之印朱記

淮海先生文集二十六卷

宋刊殘本

題秦觀少游原書四十六卷今存卷一至十八卷二

十七至三十四前有自序云元豐七年冬余將赴京師索文藁於囊中得數百篇辭鄙而悖於理者輒刪去之其可存者古律體詩百十有二雜文四十有九從游之詩附見者四十有六合二百一十七篇次爲十卷號淮海閒居集云序後又有無名氏題記云右學士秦公元豐閒自序云耳故存而不廢今又采拾遺文而增廣之合爲四十有六卷大槩見於後序覽者悉焉惜後序亦已闕矣每半葉九行行十五字首葉板心有眉山文中刊五字慎敦廓字闕筆寧宗時蜀中刻本也以明嘉靖間張縉刻本對校張本譌字甚多今將所校者附著於左

卷一

浮山堰賦

運徒力頓漂無垠

垠誤根

黃樓賦

儼雲霄

以侍側霄誤 寄老誅薙草茅籬誤 波及鄰國波誤

被與神自會神誤 引年乞身年誤 亦將負杖

屨而從之矣屨誤 湯泉野老听然而笑日听誤

歎二順風氣而騰騫騫誤 郭子儀單騎見虜賦淝水新室淝誤

肥和淵明歸去來辭 桔槔俛仰無停時停誤 封侯既絕

念既誤 泊吳興西 天色菰蒲裏菰誤 餘航煙際下

卷二 航誤 三老 琬珍珠高詞珠誤 司馬 未易譏疎略

議答朱廣微 廣微才華殆天付付誤 記夢答劉全美 草木

榮天帶流水榮誤 田努力競晨昏努誤 倒筒備

青錢筒誤 居

卷三 春日 雜興 珠星落梧楸落誤 佳晨逗良覲逗誤

泱泱春流滿滿誤 和孫莘老題召伯埭斗野亭

脫隸 和遊 金山 洵東南鶩鶩誤 同子瞻端午日遊

諸寺分韻賦得深字脫分韻 復登率堵波率誤

寄陳 鬢髮光可照鬢誤 馬上口占二

卷四 同子瞻賦 岸巾塵想捐捐誤 向晨結束爭

首有注云或云後一首參寥和八字

長途爭誤 別子 不將俗物礙天真礙誤 送少章

和主 文章有風格風誤 弟赴仁

卷五 送劉貢 珠在川其媚川作其 送裴君才出於

德才誤 次韻夏侯亭午猶中聖亭誤 弄筆賦秋

與弄誤 和東坡 想見紅圍照白髮想誤 送蔡子

韻子駿 臥龍一峰稱最奇最誤 飲酒 英靈韻甚高甚誤

何 艇 齋 間君城郭居郭誤 跨鶴出雲寰雲誤

卷六 觀觀二弟作小室請書魯 士生當自重重誤

南都新 清冷文雅堪長慟冷誤 反昔年淮海來

來誤 偶 戲 宮譙雲氣侵宮誤 病勿為升斗資勿誤

徐得之 閑軒 黑衣三衛羞徒勞羞誤 雷陽用史巫紛

若 用誤 游 百毛發靈香白

卷七 次韻子由 古埭天連鴈古誤 鮮于子駿 使君生日維

昔高堂夢 雜誤 錦覆郎官被被誤 次韻莘老 數

級引温湯 級誤 第二首末有注云或云後一篇參

參和 入字脫案此詩 過六合水亭懷裴 誦言成絕

唱 唱誤 次韻答 惟應讀雌霓雌誤 次韻蔣穎叔

清儲 瓊枝檻外榮檻誤 可見泰階平可誤 駕幸

應月深衣不亂行月誤 題間求仁 岸噴天橫雲外

山 雲誤 縣人空此憶韋游韋誤 題湯泉第一首

末有注云湯泉有名迢迢翁者迢誤 近脫去 浣腸

灌頂雖殊事浣誤 次韻朱李 莫致南金贈永吟贈誤

增

卷八 送王元龍赴 淮山暮眺千峰擢擢誤 末句

下有注云一作為公繫馬一傳觴九字 次韻子由

題蜀井有注云大明寺三字 放杯面望欲揮鞭誤

杯 末有注云府尹司封高安著作皆是蜀人十二

次韻子由題摘星亭末有注云障泥事見李商隱

隋宮詩十字 遊鑑 蒲荀力緩單衣怯蒲誤 謁禹

今我免魚繇帝力今誤

卷九 送蔣穎叔 帥熙河 天馬蒲萄隔玉門 玉誤 寄張文

潛右史有注云一云次韻參寥寄蘇子瞻時聞蘇除

起居舍人 字脫 稍遷右史公何泰 泰誤 次韻劉

寧齋詩二軸 明珠白璧俱投報 俱誤 會蓬 樹攪鄉

思葉葉重 攪誤 九月八日夜大 明朝試酒就中仙

酒就誤

卷十 圓通院白衣閣第一首末有注云公闢首唱

四字 次韻子由 孤蓬短榜沂河流 沂誤

卷十一 元祐三年余被召至京師從翰林蘇先生

過興國浴室院始識汶師後二年復來閱諸公詩因

次韻 俗誤 白髮道人還省否 否誤 題務 醅頭春

酒響潺湲 醅誤

卷十二 進策 織者執綜而成文 執誤 術杜璣上

書斥為下邳令 璣誤 治勢 足以深結海縣之心 縣

寓

卷十三 安 參貫其中 其字 車錯轂擊 擊字 任

上不能以至 至誤 誠相期而已 欺 任臣 竊怪

陛下何取之之難而去之之易也 竊誤 朋黨 死徒

廢禁者六七百人 徒誤 朋黨 虛懷側席 側誤

卷十四 人 是則任天下之能事者常在乎奇材 在

取 則彼將輸寫肝膽 寫誤 論議 各有私吝 私誤

其甲則長子之所建也其乙則少子之所建也 建

築誤

卷十五 官制 則數千萬室受其害 室誤 財用 昔

管仲通輕重之權通誤 桑宏羊之均輸宏誤 桑

宏羊所為也宏誤 財用下 竊竊焉從事於闔閭斂散

之中竊竊誤 是以善治水者以四海為壑是以二字脫

卷十六奇 李愬越文成戍殲張柴柵交誤 孫臏

曰臏誤 謀主 古之人所以談笑而折衝衝誤

卷十七盜賊 其間寅緣曲折寅誤 盜賊下 天下之

豪俊為我籠取之字 若有椎魯少文之人則不得

而取之矣不下衍 不能無遺才也才誤 丙吉出

於獄吏吏誤

卷十八邊防 請命天戈天誤 邊防下 可以保堅城

矣而不可以保脆城脆誤 雖脆城而可保脆誤

猛虎在山百獸震恐在下衍深 字脫震字

卷二十七代謝赦書 因緣肺附之親附誤 一昨

凶年乏食一誤 則張皇而鳥散鳥誤 代賀元邁

康王鄴宮之朝鄴誤 代中書舍人謝表 則何以當文士之

極任任誤 代中書舍人謝上表 指麾或匿者得以白而改正

匿誤 此蓋伏遇太皇太后陛下陛下二字脫 代南京

此蓋伏遇皇帝陛下盛德海涵伏遇皇帝陛下六字脫 代謝

表 伏維皇帝陛下欽崇天道皇帝陛下四字脫

卷二十八謝及 求自試者幾十萬焉十誤 賀呂

啟方司左轄之嚴司誤 念某猥緣幸會念字 謝

公闢庶追國士之風 國士謝館 方為國士報君

之義報誤 賀崔學願奉三年之最 三誤 代賀中

范相伯衰尤奇衰誤

卷二十九

代賀王

其進也若火一燃

也誤然

賀

京西運

屢奏三年之最奉

代賀司馬

失七箸而

自驚

著誤

賀錢學士啟

地胄高嚴

習

翩然鵠止於

碧落

翻誤

代同呂吏部啟

望重於朝

於誤

代謝中書竊

以三省之與

切竊誤

猥從冗員

冗誤

代賀運使啟

無私於微眇

水誤

卷三十

答傅彬老簡

其於組麗也獨得之於內

內誤

與蘇公先

因便却乞并此書轉到高安先生處

雖不來揚州

來誤

與蘇子由著作簡

伏惟尊候萬福

行動止

與李德叟簡

所論著想甚多

著誤

雖忽遽不

盡所懷

忽誤

與蘇黃州簡

自扁舟渡江

自誤

北至吳

與北

誤

水飲蔬食

蔬誤

與參寥

大師簡愈令人畏伏爾

伏誤

卷三十一

謁先師文

馮餘光以得名宦

宦誤

祭馬通議文

不見瑕玼

玼誤

日月飄忽

忽誤

弔罇或九升而

一蹟

升誤

不見瑕疵

疵誤

遣瘡嘗所禁戒

卷三十二

久宦無成

代蔡州太守

淮西古城

西誤

通亨

亨誤

與龍節疏文

軌攸同

文誤

代蔡州進生

合慶

天誤

閱貝葉之真文

貝誤

寶林寺開堂疏

姿木

水誤

體泉開

以度無邊

無誤

卷三十三

李狀元墓誌

世為嗟吁

吁誤

慶禪師塔銘

陶客

陶誤

葛宣德墓銘

始徙常州之江陰焉

焉字

非遷

澤底定

底誤

虞氏夫人墓誌

亡妻婉嫕恭儉

嫕誤

劉氏

研函明星函誤瀘州使君固欲討之固誤葬于

光山縣淮信鄉淮誤

卷三十四書王蠲後事文念蠲之在而齊之卒不滅也在誤

仕今劫之以兵高無悔延帥與二詔使城

永樂帥誤

淮海集四十卷後集六卷詞三卷明刊本

此本為嘉靖間南湖張縉倅鄂州時所刻有序卷第

與宋本同蓋其集本淮海先生手自編定也卷首有竹垞藏

本朱記

濟南集八卷鈔本

宋李廌撰從文淵閣本傳錄雖非完集較蘇門六

君子文粹中為多

參寥子集十二卷影鈔宋本

宋僧道潛撰題法孫法穎編前有陳無已序世傳參

寥集有二本以法穎本為勝即此本也卷數相同而

叙次俱異宋本向藏士禮居黃氏今藏仁和胡心耘

處是本為心耘鈔以見貽者每半葉十一行行二十

四字匡殷敬字闕筆

參寥子詩集十二卷舊鈔本

案吳氏之振曰世傳參寥集有二本一題三學院法

嗣廣宥訂智果院法嗣海惠閱一題法嗣法穎編此

本題楚黃法僧鄒黃中美定有無名氏序謂偶遊智

果寺睹其全集十二卷重為校定云云大約即法穎

本也

石門文字禪三十卷

支那本

題宋江西筠溪石門寺沙門釋德洪覺範著門人覺慈編緣有釋達觀序

青山集三十卷

影鈔宋本

題當塗郭祥正功夫撰此本卷數與陳氏書錄解題

合王漁洋所見閩謝氏寫本非全帙也舊為曹氏藏

本卷首有棟亭曹氏藏書朱記

西塘先生文集十卷

明刊本

宋鄭俠撰文八卷詩一卷第十卷附錄傳誌謚議祭文詞記等作前有萬曆己酉同里葉向高序謂祕閣有西塘先生集乃宋隆興間公孫嘉正知建昌軍時所刻書尙完善因鈔錄授同郡董崇相陳元凱曹能

始校刻之

景迂生集二十卷

鈔本

宋晁說之撰原集經兵燹不存此本為其孫子健所編無序跋以道長於經學此書亦不專載詩文凡中庸傳儒言及經說雜著俱列於編蓋彙萃生平所作以成之也陳直齋謂其詩文遺佚已多今考風月堂詩話云唐秦系和韋蘇州詩具銜云東海釣客試祕書省校書郎本朝陳恬叔易隱陽翟澗上號澗上丈人大觀間宋喬年諷監司薦於朝起為館閣書疏中猶不去丈人之號晁以道作詩譏之日東海一生垂釣客石渠萬卷校書郎丈人風味今如此鶴到揚州興更長又墨莊漫錄云晁以道作感事詩有云干戈

難作牆東客疾病猶存硯北身二詩集中皆無是直齋之言不誣也然是書嚮無刻本僅有鈔白流傳於世不致同於昭德先生集之湮泯亦云幸矣

齊北晁先生雞肋集七十卷

明刊本

宋晁補之撰并序弟謙之編有跋紹興間刻板建陽此蘇州顧凝遠重刻本卷後有明吳郡顧氏於崇禎乙亥春照宋刻壽梓至中秋工始竣二行

具茨晁先生詩集一卷

明刊本

宋晁冲之撰案冲之字叔用亦字用道以文元公爲高祖以文莊公爲曾大父其子卽昭德侍郎也家世貴顯獨隱居不仕自號具茨山人俞汝礪序謂其棲志林澗遇事寫物形於興屬味其風規淵雅疏亮未

嘗爲悽怨危憤激烈愁苦之音所謂含章內奧而深於道者劉後村謂其詩意度宏濶氣力寬餘一洗詩人窮餓酸辛之態南渡後唯放翁可以繼之其集流傳甚少此明晁瑛以宋本重刊卷末有慶元己未校官黃汝嘉刊一行詩凡一百六十七首

姑溪居士前集五十卷後集二十卷

舊鈔本

宋李之儀撰乾道間天台吳芾爲當塗守訪得其本輯成五十卷序而刻於郡學後集不知何人所輯

道鄉先生鄒忠公文集四十卷

明刊本

宋鄒浩撰子柄榘輯李綱序宋刻久佚正德間裔孫翎重刻之邵寶序後附諫哲宗立劉后疏於徽宗實錄中鈔出真本非蔡京所僞作以宣示者也舊爲邑

中陳氏藏本卷首有巨印其文曰蘇州常熟虞山精舍至樂樓主人河南道御史陳蔡原習

溪堂集十卷鈔本

宋謝逸撰此為知不足齋鈔本卷末有鮑以文題記云乾隆己酉仲冬借沈比部叔埏本對錄是月二十日校於青堆寓廬乾隆六十年八月初五日偕仁和趙魏恭詣文瀾閣就四庫全書本是正一過首

有欽鮑氏知不足齋藏書海

謝幼槃文集十卷舊鈔本

宋謝邁撰此本為萬曆間晉安謝肇淛從內府鈔得有苗昌言序呂本中跋及謝肇淛謝杲黃晉良跋苗序後列宋砥陸昇苗昌言嚴仲遠趙士鵬銜名六行

又淳熙二年十二月陽夏趙煜重修一行蓋宋時舊本也

慶湖遺老詩集九卷拾遺一卷舊鈔本

宋賀鑄撰并序後附程俱撰墓誌銘紹熙間晉陵胡澄得其本刻之繼又得其孫廩所編拾遺補遺二卷併刻於後每題俱注所作年月猶當時原本也有程俱楊時序孫廩胡澄二跋

眉山唐先生集三十卷舊鈔本

宋唐庚撰教授王惟則校晁陳二家書目俱作二十卷宋史亦同此本不知何人所分有鄭總弟庚呂榮義序子文若及鄭康佐跋

唐先生集七卷明刊本

是但載詩賦無雜文前亦有鄭總弟庾呂榮義序
卷一為賦古體詩卷二卷三近體詩卷四至卷六又
為賦古體詩卷七卷八近體詩庾序謂京師刊行者
止載嶺外所作因并取其少年時所為隨卷附之故
次強幼安韻二詩幼安謂其絕筆而今次卷三之末
是卷四以下乃少年作也惟碧溪詩話有秧馬一絕
鶴林玉露有謫羅浮一絕俱不見集中則其遺佚尚
多也

傅忠肅公文集三十卷

舊鈔本

宋傅察撰周必大序後附晁公休撰行狀其孫伯壽
編

鐵琴銅劍樓藏書目錄卷二十終

鐵琴銅劍樓藏書目錄卷第二十一

常熟瞿 鏞子雍

集部三

別集類三

龜山楊文靖公集三十五卷

明刊本

宋楊時撰舊有咸淳間黃去疾作年譜一卷續增從
祀孔廟議宋史本傳胡文定墓誌銘呂本中行狀後
附錄祭文賜諡敷葉水心作舊宅記案文靖集宋時
刊於延平郡齋其本不傳弘治刻本十六卷常州東
林書院本三十六卷此則宜興所刻三十五卷本也
梁溪先生文集一百八十卷附錄六卷

舊鈔本

宋李綱撰前有陳俊卿及朱子序首列總目每卷首

又列日書中潔完敦廓字俱注某帝嫌諱是從寧宗後刻本鈔出者

忠惠集十卷鈔本

宋翟汝文撰後有附錄一卷原集三十卷其子耆年編已佚此從文瀾閣傳錄

石林居士建康集八卷鈔本

宋葉夢得撰是集為紹興八年再鎮建康時作在全集百卷之外其子大卿編後有嘉泰癸亥孫輅跋今百卷本不傳惟存是編此從葉石君鈔本傳錄有石君跋中佚文七篇仁和胡心耘珽以家藏本錄補卷首有東沙李氏藏書朱記

增廣箋註簡齋詩集三十卷無住詞一卷宋刊本

題竹坡胡穉仲孺箋有自序四明樓鑰序仲孺撰簡齋年譜又續添詩箋正誤每半葉十行行十八字注每行字數同書成紹熙初元距簡齋在時僅越五十年故所箋出處時事及朋友酬答甚詳如卷中無題詩箋云此詩意為王氏程氏發也宣和五六年間先生與綦公叔厚俱為太學博士黜三舍偶儷體去王氏之論而尊用程氏士類歸之後人惟知渡江後趙元振尊尚程氏殊不知陳綦二公實有以唱之也微此書簡齋之學行世猶不盡知而但以詩人目之也其詩案年編次與今官刻集本分體者不同又不載外集詩文官本則併入矣字句互異處足以訂正官本者甚多如古體詩中雜書云昔我同年友不作我

昔陪諸公登南樓云侑以八品珍不作八味同叔易
 於觀我齋分韻不作周叔易箋云即陳叔易詩云雖然山上
 山不作山止山浴室觀雨云辦此穎脫手不作脫穎
 冬至云北風不貸節不作不待種竹云同林偶落此
 不作同休蒼雲屯十里不作千里食笋云詩成聊使
 寫不作便寫雨中觀月桂云紅衿映肉色不作玉色
箋云東坡海棠詩翠袖卷紗紅映肉山路曉行云藍輿拂露枝不作扶
 露枝均陽官舍安榴云遲日耿不暮不作日遲景晚
 步湖邊云幸無大夫責不作大夫貴遊道林岳麓云
 向來修何行不作回來暝色云萬化元相尋不作相
 孚遠軒云會有鶴駕賓不作鶴賀賓題長岡亭云匣
 中三尺水不作三尺冰題大龍湫云窮處仍高崖不

作乃高崖咏雨云聽雨披衣襟不作衣襟萬珠絡笋
 輿不作落笋輿梁織佛圖詩云喜滿尺宅俱成功不
 作火宅送王周士赴發運司屬官云小窗誦詩燈花
 喜小窗上不衍夢君二字喜不作起欲離均陽而雨
 不止云水風泛樹聲蕭蕭不作水色泛樹居夷行云
 皇天豈無悔禍意不作悔過秋夜獨酌云百年佳月
 幾今夕不作今幾夕近體詩中詠雨云一涼恩到骨
 不作思到骨目疾云九惱從來是佛種不作自佛種
 樂文卿北園云此生能費幾詩筒不作此身十月云
 莽連萬里雲一去不作雲山去招張仲宗云焚香相
 待莫徐驅不作徐徐晚步過鄭蒼臺云世事紛紛人
 老易不作人易老寄信道云賸欲平分持寄子不作

平生謝呂居仁云篋裏詩書總零落不作寥落九日
 示大圓洪智云無奈菊花枝不作無耐竇園醉中云
 碧桃開盡曲聲中不作雨聲中箋云此蓋明皇擊羯
 鼓柳杏皆坼之意
 晨起云寂寂東軒晨起遲不作晨起時篷齋云不須
 杯勺了三冬會有打窗風雪夜除夜不寐云老卻梅
 花是曉風葉相惠花云文殊罔明俱拱手以上數句
 皆無闕文又增多詩三首送大光赴石城云石城高
 嶂嶼城下是江波莫愁織綺地年來戰馬過秀眉使
 君醫國手卻把江頭無事酒山川勃鬱不平處澆以
 三杯一搔首半江樓影白透迤想見春流二月時待
 子去埽仲宣賦走馬還朝猶未遲又次韻謝邢九思
 云平生不接里閭歡豈料相逢虺蜮壇能賦君推三

世事倦遊我棄七年官流傳惡語知誰好勾引新篇
 得細看六月山齋當暑令風霜獨發卷中寒又傷春
 一首亦見瀛奎律隨忠憤類茲不復錄

簡齋外集一卷 舊鈔本

此本凡古今體詩五十二首文三首皆胡箋本所無
 詩多次韻之作風格亦稍遜可知宋時原分二集今
 官刻本十六卷有劉辰翁序殆出後人所併非原第
 矣書有舊序云詩至老杜極矣東坡蘇公山谷黃公
 奮乎數世之下復出而力振之而詩之正統不墜然
 東坡賦才也大故解縱繩墨之外而用之不窮山谷
 措意也深故游泳玩味之餘而索之益遠大抵同出
 老杜而自成一家如李廣程不識之治軍龍伯高杜

季良之行已不可一概詰也近世詩家知尊杜矣至學蘇者乃指黃為強而附黃者亦謂蘇為肆要必識蘇黃之所不為然後可以涉老杜之涯涘此簡齋陳公之說云爾予游吳興得之乃知公所學如此故能獨步一代頃邑士有欲刻公詩者因出前聞為冠集首庶學者知公淵源所自且以折近世黨同伐異之說云公名與義字去非初賦墨梅受知徽考入校中祕書遂掌帝制後參紹興大政簡齊其自號也元默敦牂中秋晦齋書此序他本所無卷首有題記曰簡齋外集罕見其本錢唐王心田以余愛之持以見贈延祐七年二月雲笈書齋記下鈐白文方印曰錢氏翼之案翼之名良有郡人工書法及詩卷首有孫亮朱子儋承爵

張子昭印
諸朱記

北山小集四十卷影鈔宋本

宋程俱撰後附程瑀撰行狀有葉夢得鄭作肅序是集傳本絕稀黃氏百宋一廬嘗得宋刻本用公牘故紙印刷紙背有湖州諸官司印記潛研錢氏謂刻於吳興官廨淳熙以前刊印此即從之傳錄者每半葉十行行二十字宋本後歸汪氏今歸邑中龐氏又有知不足齋藏本吳之振題識云此冊為昔年季滄葦侍御所贈侍御從絳雲樓宋刊本影寫者聞鮑氏書已散落今不知藏何許矣

華陽集四十卷舊鈔本

題宋張綱彥正氏著其子戶部郎中堅輯成凡文三

十三卷詩五卷詞一卷末附行狀為第四十卷紹熙
二年其孫釜刊板郡學屬洪邁為序此猶從宋本傳
錄

茗溪集五十五卷

舊鈔本

宋劉一止撰詩八卷文四十四卷樂章一卷附韓元
吉撰行狀一卷諸詞一卷宋史本傳陳氏書錄行狀
皆作非有齋類藁此名茗溪集當屬後人改易案茗
溪與吾鄉錢戶部觀復交有戶部妻安人徐氏墓誌
見集中

大隱集十卷

鈔本

宋李正民撰宋史藝文志有三十卷其本久佚此從
文瀾閣本傳錄

沈忠敏公龜溪集十二卷

明刊本

宋沈與求撰李彥穎張叔樁序其孫說嘗刊於紹熙
中明萬曆庚子十六世孫子木依之重刻有序海寧
楊芸士藏有金亦陶鈔宋本出自傳是樓者僅有前
五卷借以對勘一過別無異處可知此本亦善也

栢欄先生文集二十五卷

舊鈔本

題宋承事郎守左正言主管江州太平觀賜緋魚袋
鄧肅志宏撰乾道淳祐中有刻本正德中永安林孜
得其本邑令南海羅廷佩刻之凡詩十卷樂府一卷
文十四卷與別本不同有胡瓊林孜序舊為邑人曹
彬侯寫本

卷首有曹炎之
印彬侯二朱記

韋齋集十二卷附玉瀾集一卷

明刊本

題新安朱松喬年撰朱子嘗刻於江西有淳熙七年
河陽傳自得序至元中吳郡干文傳守婺源得其本
與旌德令劉性重刻之此從劉本再刻者玉瀾集題
新安朱棹逢年撰有淳熙辛丑梁溪尤袤跋

陵陽先生集四卷舊鈔本

朱韓駒撰案陸放翁所得子蒼詩草止一卷謂其作
詩反覆塗乙詩成既以子人久或累月遠或千里復
追取更定無毫髮恨乃止其不苟如此此從王氏池
北書庫藏本傳錄漁洋山人有跋云子蒼詩為諸家
詩話所取者如汴水日馳三百里落日同騎款段遊
一篇最佳今讀陵陽集佳處亦無過此矣蓋子蒼列
江西宗派圖中漁洋不喜豫章派故其語如此

盧溪先生文集五十卷明刊本

題左承奉郎直敷文閣主管台州崇道觀王庭珪民
瞻撰門人劉江編淳熙間吉州東岡劉氏有校刻善
本崑山葉文莊公錄藏之同邑張寰得其書屬常熟
縣令梁某刻之有胡銓楊萬里序及張寰鄧黻刻板
序附錄行狀墓志題跋等為一卷

屏山集二十卷明刊本

題宋文靖公劉子翬著朱子所編前有紹興三十年
胡憲序乾道癸巳朱子序又列本傳墓表諡議於首

南陵孫尚書大全文集七十卷舊鈔本

宋孫覲撰周必大序此與鴻慶居士集四十二卷本
不同舊為震澤王氏鈔本後歸葉石君周漪塘張月

有濟之葉萬歸來草
堂樸學齋諸朱記

李學士新註孫尚書內簡尺牘十六卷校宋本

題左朝奉郎充龍圖閣待制孫覲仲益撰門人學士
李祖堯編註宋刻本與成化本分卷行款俱不同每
半葉十二行行二十字注每行二十五字目錄多分
類之目二葉有墨圖記隸書文云蔡氏家塾校正此
本一一照改出稽瑞樓陳氏

豫章羅先生文集十七卷元刊本

宋羅從彥撰卷首經解已闕集錄九卷雜著二卷詩
一卷附錄三卷外集一卷至正三年延平沙邑曹道
振編並撰年譜一卷道振有跋目錄後有墨圖記二云

至正乙巳秋沙陽豫章書院刊後有至正二十七年

福建儒學提舉卓說序前冠以永樂元年沙縣知縣

錫山倪峻重建豫章先生祠堂記蓋後人所增也

豫章羅先生文集十七卷明刊本

此本乃明成化時邵武太守馮孜即曹道振本重刊

有成化七年柯潛序及卓說原序卷首有季振宜印滄葦二朱記

尹和靖先生文集十卷舊鈔本

宋尹焞撰宗亮序首列年譜一卷凡奏劄二卷詩雜

文一卷壁帖一卷師說三卷附薦劄告詞一卷銘記

祭挽一卷與別本作入卷者不同

著作王先生文集八卷舊鈔本

宋王蘋撰十一世孫觀編有寶祐丙辰盧鉞原序案

信伯為唐水部郎中榮入世孫嘗搜輯水部省試詩
三十一首編錄麟角集後信伯全集四卷本已佚明
弘治中其後裔亦搜採成編雖篇帙寥寥附錄者多
亦可徵福清王氏世澤之長矣

高東溪先生文集二卷

舊鈔本

宋高登撰明休希元編并序後附錄朱子奏狀祠記
及東溪言行錄為一卷

岳王集一卷

明刊本

題宋少保武穆王岳飛著此本出明人所輯凡上書
一篇劄十六篇奏二篇狀二篇表一篇檄一篇跋一
篇盟文一篇題識三篇詩五篇詞二篇即徐階編本
前列顏度奏諡議宋寧宗封誥謝康成紀略一卷後

附其孫倦翁顓天辨誣疏雪冤詩跋高宗批乞出師
奏及趙子昂高季迪李空同詩為一卷

浮山集十卷

鈔本

宋仲并撰宋史藝文志有集十六卷為外孫孟猷所
編其本久佚此從文瀾閣本傳錄

新刻嵩山居士文全集五十四卷

舊鈔本

題晁公邁子西凡詩十四卷文四十卷舊有師濬序
已失居士夫人師氏濬孫女也集中有濬子驥傳即
其婦翁文有遭父喪云云案傳作於紹興三十年而
集刻於乾道四年是刻時濬歿已久序蓋舊所作也
又案集有送子嘉兄赴達州司戶序蓋沖之五子公
休字子嘉公武字子止公邁字子西公退字子兼又

有字子愈者不詳其名晁氏家學相承子西兄弟皆有學行而子止以郡齋書目其名較著是書宋刻後別無刻本幸有鈔白流傳不至如昭德文集之湮滅也又案集有寄廬南子止兄詩云杖鉞知何處看雲望欲迷真同阮南北各寄蜀東西峽險水增急樓高山爲低春來日行樂桃李想行蹊又答廬州高倅啟蘇云居是邦而事其大夫乃喜吾兄之集處是子止爲四川總領財賦司時子西亦官於蜀惟宋史無傳仕秩不可考矣舊爲千頃堂藏書卷首有晉江黃氏父子藏書朱記蒲陽知稼翁文集十二卷影鈔宋本宋黃公度撰其子沃所編凡賦一卷詩六卷文四卷詞一卷末附行狀誌銘壙銘一卷前有乾道五年陳

俊卿序又慶元二年洪邁序詞集有淳熙戊申曾丰序末有沃跋此從慶元刻本傳錄天啟間裔孫某得內府本刻於衡州者卷分上下卽此本也

香溪先生范賢良文集二十二卷元刊本

宋范浚撰門人高梅編同郡陳巖肖序從子端臣刻於紹興三十一年元至順壬申吳禮部師道得其本屬范俊刻之此本吳序已佚舊爲席氏藏書卷首有席鑑之印席玉照氏諸朱記

范香溪先生文集二十二卷明刊本

此明萬曆間蘭溪令唐尙虞刻本後附公從子端臣端臬遺文一卷有章懋胡應麟序

燕堂詩稿一卷舊鈔本

燕堂宋趙公豫撰公爲邑人紹興中登第官至寶謨閣待制
制邑志載所著有奏稿一卷燕堂類稿五卷今並不傳
僅存此詩一卷相傳爲泉州守蔣離選錄

竹州文集二十卷

明刊本

宋吳儆撰後有附錄一卷曾孫資深編刻有進書表

有程秘呂午洪揚祖陳垣序弘治間十世孫雷亨以

家藏舊本重刻程敏政爲之序舊爲汲古閣藏書

卷末俱有汲古閣子晉氏毛晉祕笈諸朱記

羅鄂州小集五卷附鄂州遺文一卷

明刊本

宋羅願著天啟間族裔羅朗刻本與別本分六卷附

錄二卷者不同亦未錯入新安志序二篇有趙訪宋

濂王禕趙堦序李宗頤蘇伯衡跋羅朗刻板跋

晦菴先生文集一百卷

宋刊本

宋朱子撰首目錄二卷無序跋每半葉十行行十九

字遇廓擴等皆爲字不成是寧宗後所刻也攷成化

本黃氏仲昭跋云晦菴朱先生文集閩浙舊皆有刻

本成化戊子偶得閩本因取浙本校之其間詳略微

有不同如劾唐仲友數章閩本不載其所劾事狀今

詳此本備載無遺當是浙本矣又攷嘉靖本卷六十

七仁說小注云浙本誤收南軒先生作而以先生作

爲仁說序此本正如其爲浙本益明矣黃氏又云

浙本洪武初取置南廳不知輯於何人今閩藩所存

則先生季子在編其後又有續集若干卷別集若干

卷二本亦併刻之似浙本當又有續集別集矣然陳

氏書錄解題焦氏國史經籍志錢氏也是園藏書目
竝止百卷卽吳文恪公所見來自福唐之大全集亦
云總百卷而已惟徐氏含經堂培林堂兩家書日均
於正集續集別集合刻本外載有舊板單續集舊板
單別集之本攷王氏遂序續集在淳祐五年黃氏鏞
跋別集在咸淳元年意刻非一時故與正集各自單
行歟夫世寶宋槧雖斷簡殘編猶珍同拱璧而況百
卷巨帙首尾完具又況其爲朱子之書則也是翁所
稱驚人祕笈者當無踰此矣

晦菴先生朱文公文集一百卷續集十一卷別集十卷明刊

此本明嘉靖壬辰潘氏潢校刻閩中目後潘氏有記

云文公文集百卷又續集十卷別集十有一卷然王
氏遂續集序雖不言卷數而目錄則載十一卷黃氏
鏞別集目後記明云搜訪遺文又得十卷以爲別集
則潘氏所云當是互誤提要引潘氏跋作續集
五卷別集七卷更誤惟續
集第十一卷有目無書觀蘇氏信前序此本失去據
提要所引
稱百有二十卷則本無此卷矣此本大題視浙本多
朱文公三字而板心又稱朱子大全文集近世蔡氏
方炳刻朱子文集謂大全集之名不知何始而紀文
達因黃氏仲昭潘氏潢諸跋皆不稱大全集遂臆定
其起明中葉以後然吳文恪序其所編朱子文抄在
宣德五年已云鄉親陳氏歸自福唐出示先生大全
集總一百卷又攷趙氏讀書志云朱文公帖六卷可

以補晦翁大全集之闕者為多則其名實起於宋惟黃氏稱舊刻止有浙本閩本而浙本絕無此名趙吳兩家所見蓋是閩本其後黃氏刻於成化潘氏刻於嘉靖竝祖閩本則此本大全集之稱固襲舊而非更新也此本與浙本字句頗有不同篇次亦互異如書濂溪光風霽月亭游密菴記浙本在卷七十九記類此本在卷八十四跋類游密菴記誠宜在記類而書光風霽月亭則移之跋類為是又如皇考吏部府君遷墓記浙本在先妣孺人祝氏壙誌後而此本則在前似浙本以作文先後為次案葬祝孺人在乾道六年正月葬吏部以其年七月作文先而此本以父先乎母為次也蓋閩本與浙本故有詳略之異又經黃氏潘氏遞相參校其異

東萊同益不少要亦可為考訂之資焉

朱文公大同集十卷

元刊本

門人陳利用編凡詩一卷文九卷皆公主同安簿時所作元至正間鄱陽都璋寓居同安重刊之併纂年譜節略列卷首孔公俊序

文公感興詩通一卷

明刊本

宋朱子撰題新安後學胡炳文集註并序朱子感興詩初有四家註炳文廣之為十家其參以己說者別之為通曰與四書通例同十家者長樂潘氏柄楊氏庸成建安蔡氏模真氏德秀詹氏景辰徐氏幾黃氏伯陽番陽余氏伯符新安胡氏升胡氏次焱也

周益公文集二百卷

舊鈔本

宋周必大撰自序山陰祁氏藏本有朱字校過曠翁筆也板心有淡生堂抄本五字

卷首有山陰祁氏藏書之章曠翁手識子孫世珍及王昶德甫別字蘭泉諸朱記

周益公文集二卷宋刊殘本

二卷為全集中書彙一種題下注明紀年每半葉十行行十六字敦徵字有闕筆板刻楮印俱極精善惜

未得全本也

方舟集二十四卷鈔本

宋李石撰原集七十卷門人劉伯龍編見陳氏書錄其本久佚此從

文瀾閣本傳錄別有經說六卷即附於後

卷首有海寧楊芸士藏書之印

東萊呂太史文集十五卷別集十六卷外集五卷文集附錄三卷拾遺一卷麗澤論說集錄十卷

宋刊本

宋呂祖謙撰此書為成公歿後其弟祖儉從子喬年編輯刻之文集凡詩一卷表疏一卷奏狀劄子一卷

啟一卷策問一卷記序銘贊辭一卷題跋一卷祭文

祝文一卷行狀一卷墓誌銘四卷傳一卷紀事一卷

其庚子辛丑日記後有淳熙壬寅朱子跋公歿後一

年作也別集凡家範六卷尺牘五卷讀書雜記四卷

師友問答一卷外集凡策問二卷宏詞進卷試卷共

二卷詩文拾遺一卷文集附錄凡年譜壙記一卷祭

文像贊哀詩二卷拾遺存祠堂記祠堂祭文餘殘闕

麗澤論說集錄皆門人所集錄者凡易說二卷詩說

拾遺一卷周禮說一卷禮記說一卷論語說一卷孟

子說一卷史說一卷雜說二卷喬年有跋每半葉十
行行二十字貞桓敦廓字有減筆寧宗時刻本也

止齋先生文集五十二卷

元刊本

宋陳傅良撰門人曹叔遠編為五十一卷刻於嘉定
戊辰前後皆有叔遠序是本為元至正間重刻多附
錄一卷為神道碑行狀墓誌及雜文八篇合五十二
卷末有白文二行云至正庚子仲冬屏山書院重刊
四庫提要謂附錄一卷不知誰所續入据弘治乙
丑王瓚序稱澤州張璠欲掇拾遺逸以為外集其璠
重刊所附入歟是未見元刊也

止齋論祖二卷

元刊本

宋陳傅良撰傅參之序此元時書肆所刻止齋決科

諸論全集不載其門人曹叔遠序公集謂片言落筆
傳誦震響場屋相師而紹興之文丕變即謂此種也
集中所載之文斷自乾道丁亥以後此作於隆興間

故刪去不存

格齋四六一卷

舊鈔本

宋王子俊撰凡文一百二首朱竹垞氏嘗從宋本傳
錄稱其由中而發無組織之迹亞於王彥章

斷腸集註十卷後集一卷

舊鈔本

宋朱淑真撰錢塘鄭元佐注詩為淳熙九年通判平
江軍事宛陵魏端禮所輯并序元佐未詳其注亦詳
贍未有嘉泰二年孫壽齋後序

梅溪先生文集五十四卷

明刊本

宋王龜齡撰其子聞詩聞禮編策一卷奏議四卷前集二十卷後集廿九卷紹興壬子歲聞禮刻於江陵明正統間温州守何文淵得稿本於公元孫孟明繼守劉謙復得刻本於蔡元丁屬教授何濬刻於郡學有黃淮序何文淵後序卷首朱子代劉其父序乃天順六年温州守周珍從大全集補錄并珍跋

攻媿先生集一百二十卷

舊鈔校本

宋樓鑰撰文一百十六卷賦一卷詩一卷北行日錄

二卷惠定宇氏以朱筆校過卷首有惠棟之印定宇二朱記

蠹齋先生鉛刀編三十二卷

影鈔宋本

宋周孚撰淳熙己亥歲鄜延解百論刊有陳琪序百論跋是本從之影寫藏邑中蔣氏卷首有曾在虞山蔣伯生處朱記

雙溪文集十七卷

舊鈔本

題宋軍器大監金紫光祿大夫婺源縣開國男食邑三百戶王炎著此集世有三本一為嘉靖癸巳其裔孫懋元所刻凡十七卷有潘滋序前列三山鄭昭先序一為萬曆丙申尙寶司丞王鏐得沈一貫家舊本重刻凡二十七卷今四庫所收是也一為康熙中其族孫祺等所刻凡十二卷此從嘉靖本傳錄

象山先生文集二十八卷外集四卷

元刊本

宋陸九淵撰男持之編十世孫和刊後附孔煒諡議丁端祖覆議楊簡行狀明刻本別有語錄四卷此本無之蓋出自嘉定間吳杰所輯舊本也有袁燮楊簡序吳杰跋楊序稱外集六卷疑佚二卷或即明本語

錄歎

瓊瑄白玉蟾武夷集八卷

元刊本

宋葛長庚撰文三卷詩五卷前有沛郡憑虛子序亦

道家流也目錄前有建安余氏新刊一行

卷首末有秀野草堂

顧氏藏書印朱記

海瓊玉蟾先生文集六卷續一卷

明刊本

題南極老人臞仙重編前有嘉熙改元鶴林彭耜端

平丙申潘枋二序及正統壬戌臞仙序蓋皆道流也

彭序謂先生屬其校勘纂次并以諸賢詩文錄於篇

末凡四十卷則是本非其舊矣

盤洲文集八十卷

影鈔宋本

宋洪适撰後附行狀神道碑及拾遺文二篇其轉運

司乞移免折斛錢劄子僅存二行目錄有後序跋亦

闕此書傳本絕稀曝書亭所藏僅有其詩未見全帙

也卷首有紅豆書屋惠棟之印定字諸朱記

艮齋先生薛常州浪語集三十五卷

舊鈔本

宋薛季宣撰有寶慶二年知撫州軍州事姪孫旦序

云出守臨汝時從其家發篋中書詮次得三十五卷

而錄諸梓此即出自宋刊本惟輾轉傳鈔譌奪甚多

無從校正耳凡賦三卷詩十一卷文二十卷末卷附

錄諸公祭文挽詩及陳止齋撰行狀呂成公撰墓志

銘

石湖居士文集三十四卷

舊鈔本

宋范成大撰陳氏書錄載石湖集一百三十六卷今

僅存詩集一種曰文集者猶仍舊本也有楊萬里序
男莘跋舊為吳文定藏書板心有叢書堂三字其全
集嘗刻於嘉泰間卷末有奉議郎樞密院編修官兼
實錄院檢討官兼資善堂小學教授龔頤正校正一
行

石湖居士集三十四卷

明活字本

此本用活字擺印板心有弘治癸亥金蘭館刻入字

與舊鈔本間有小異處

卷首有季振宜藏書季滄葦圖書記二朱記

誠齋集一百三十三卷

影鈔宋本

宋楊萬里撰詩集舊有淳熙間劉伯順刻本今不傳
此出端平刻本有劉焯叔序舊為璜川吳氏所藏卷
末俱有嘉定元年春三月男長孺編定端平元年夏

五月門人羅茂良校正二行每半葉十行行二十字
原本詩文合編乾隆間裔孫振麟刻本詩文分為二
集竄亂舊第詩江湖集原作七卷訛分八卷南海集
十一卷訛分十二卷惟詩集總為四十二卷雖有更
易尚與原本大致相同若文集則臆分四十二卷盡
失其真并遺去尺牘一類今案是本詩集四十二卷
後四十三四十四為賦四十五為辭操四十六四十
七為表四十八為箋四十九至六十一為啟六十二
為疏六十三至六十八為書六十九七十為奏對劄
子七十一至七十六為記七十七至八十三為序八
十四為六經論八十五八十六為聖徒論八十七至
八十九為千慮策九十為程試論九十一至九十四

為庸言九十五為解九十六為雜著冊文牒議策問
九十七為詞疏箴銘贊樂府九十八至一百為題跋
一百一至一百二為祭文一百三為文一百四至一
百十一為尺牘一百十二為東宮勸讀錄一百十三
為淳熙薦士錄一百十四為詩話一百十五至一百
十七為傳一百十八一百十九為行狀一百二十一
百二十一為碑一百二十二至一百三十二為墓表
誌銘一百三十三附錄歷官告詞詔書諡告終焉備
舉之以存原本之舊又案淳熙十二年公以地震上
疏論朝臣言無事於有事之時之失者凡十宋史本
傳概誤作言有事於無事與其命意相背集中不誤
足訂宋史之失

卷中有御史之章季振宜印滄
葦蹟川吳氏收藏圖書諸朱記

誠齋先生文贈前集十二卷後集十二卷元刊本

題建安李誠父編此摘取全集中策論分類編之以
供場屋掇拾之用元時書肆刻本前有方逢辰序詞

意鄙淺疑亦偽託

渭南文集五十二卷明刊本

宋陸游撰舊有汪大章序已缺惟存宋史列傳一篇
案汲古閣毛氏所刻渭南集五十卷有入蜀記無詩
乃從華氏活字本重刻此則無入蜀記有詩九卷殆
即子晉跋所謂紹興郡刻本也

澗谷精選陸放翁詩集十卷須溪精選陸放翁詩集八卷
附錄放翁詩選別集一卷明刊本

宋羅椅劉辰翁選舊有弘治丁巳南京戶部主事蜀

劉景寅刻本別集一卷景寅取方虛谷律髓所選者附之是本為嘉靖十三年宜黃縣令莆田黃漳重刻惟弘治本羅選有圈點而此本無之前有大德辛丑羅愨序弘治十年吳郡楊循吉序後有劉景寅黃漳二跋

水心先生文集三十九卷

明刊本

宋葉適撰趙汝讜序明章貢黎諒編并跋王直序原本編年者已不傳賴此編以傳

水心先生別集十六卷

舊鈔本

題龍泉葉適撰此書傳本絕稀見陳氏書錄趙氏讀書附志分卷俱合適當時原本黎氏所未見也卷首有季振宜印滄葦季振宜藏書諸朱記

石屏詩集十卷

明刊本

題天台戴復古式之卷首載其父東臯子詩十首第十卷附錄其裔孫所作弘治中十世孫鏞輯本也前有紹定二年浚儀趙汝騰序又淳祐三年荆溪吳子良後序嘉定三年四明樓鑰序淳祐壬寅盱江包恢書後又東平趙以夫浚儀趙汝談建安真德秀潛齋王埜壽峯倪祖義趙蕃姚鏞鞏豐楊汝明諸跋又有至正戊戌宣城貢師泰弘治十年同邑謝鐸重刻詩集序後有弘治戊午西充馬金跋十世孫鏞二跋前後均有黃蕘圖跋

石屏續集四卷

舊鈔本

宋天台戴復古式之撰全集六卷此遺去正集二卷

江湖長翁文集四十卷

明刊本

題宋高郵陳造唐卿撰宋時有刊本遭元兵燹不存
明萬曆中仁和李之藻得貢士王應元錄本刻之并
序又有姚鏞序及嘉定二年陸游舊序江湖長翁自
序元東平申屠駟墓志銘凡詩二十卷文二十卷

勉齋先生黃文肅公集四十卷附集一卷語錄一卷年譜

一卷

宋刊本

宋黃幹撰凡講義經說三卷雜文三十六卷詩一卷
與宋史藝文志合蓋猶原本也附集錄本傳告詞謚
議行實詞記祭文等篇語錄為門人林圓蔡念成記
錄年譜為門人鄭元肅撰陳義和重編前後無序跋
每半葉十行行十八字字畫清勁體似顏柳為宋刻

中致佳本

北溪先生大全文集五十卷

舊鈔本

宋陳淳撰男渠編附錄王雋陳宓黃必昌祭文陳宓
墓誌銘陳沂序述為外集前有至元改元漳州路儒
學教授莆王環翁序略謂是書初刻於淳祐戊申板
藏龍江書院歲久佚壞至元乙亥漳州守張某委學
錄黃元淵重刻於郡學此即從元刻本傳錄舊為顧
俠君藏書卷首有秀野草堂顧氏藏書印顧嗣立印俠君諸朱記
漫塘劉先生文前集三十六卷
明刊本
題宋籍田令改添差通判建康府太常寺丞直顯謨
閣主管玉局觀漫塘病叟劉宰著原集并語錄理宗
時取入祕閣世無傳本嘉靖間王臬得其本於靳氏

刻之有任佃與臬序

瓜廬詩一卷

影鈔宋本

題薛師石景石前有嘉熙元年趙汝回序序後有王

師安刊一行詩後附錄四靈留題瓜廬詩王綽撰墓

誌又嘉熙二年荆山劉植跋及東谷王汶西里趙希

迈東畧老人曹幽諸跋獨菴薛美題詩

卷首有璜川吳氏收藏圖

書朱記

程端明公洛水集二十六卷

明刊本

宋程秘撰原本六十卷又內制類稿十卷外制類稿

二十卷曾孫景山編刻其本久佚明嘉靖間裔孫元

昞等得是本重編卷第跋而刻之其內外制稿僅得

文獻志所藏七篇列諸卷首首有洛水遺民自序

龍川先生文集三十卷

明刊本

宋陳亮撰葉適序卷首有紹熙四年誥詞及像贊每

卷題九世甥孫朱潤刊行原集四十卷今世所行惟

此本耳後有附錄一卷

末有平津館淵如珍藏印朱記

南海百詠一卷

舊鈔本

題番禺漫尉莆田方信孺字若撰葉孝錫序案字若

於開禧中假朝奉郎使金三返歷官淮東轉運知真

州至廣西漕使是編乃其官番禺尉時作取其地古

蹟每事為七言絕句一首題下注其事蹟出處甚詳

儀徵阮氏謂注中多紀五代南漢劉氏事所引沈懷

遠南越志鄭熊番禺雜志近多不傳舊為鮑氏藏書

卷首有老屋三間

賜書萬卷歛西長塘鮑氏知不足齋藏書印二朱記

重校鶴山先生大全文集一百九卷

明活字本

宋魏了翁撰明錫山安國校刊板心有錫山安氏館五字潛研錢氏於士禮居黃氏見宋刻本即此本所自出前有吳淵序後有吳潛後序又有一跋題開慶改元夏五月甲子諸生朝請大夫成都府路提點刑獄公以下闕宋本亦同跋中言舊有姑蘇溫陽兩本皆止百卷至是始以周禮折衷師友雅言併他文增入為一百九卷故題曰重校此刻後復有嘉靖辛丑四川兵備副使高翀刊本

註鶴山先生渠陽詩一卷

宋刊本

題門人承信郎新監寧國府南陵縣酒稅務王德文案此冊僅注鶴山謫渠陽時所作讀易亭詩一首附

實齋王先生和詩一首前有端平三年南充游侶序及鶴山手札後有淳祐改元王遂跋又淳祐橫艾攝提格雪溪李心傳跋淳祐王寅蒲陽葉大有跋淳祐二年竹坡呂午跋終以端平乙未德文自跋後記注渠陽詩六卷嗣容錄梓一行凡諸名賢作序跋時有書翰與之亦附刻於中皆用手書真蹟古雅可愛

有士禮居黃錫蕃印椒升諸朱記

西山先生真文忠公文集五十一卷

明刊本

宋真德秀撰文獻通考作五十六卷 國朝王允元刻本作五十五卷此本尙出嘉靖本之前惜原序已失

方泉先生詩集四卷

舊鈔本

宋周文璞撰卷首列賦六首與姜白石交詩亦似之

野谷詩藁六卷

舊鈔本

題汴都趙汝鎡明翁舊有劉克莊序此本無之藁中

五言律為多蓋其所擅長者也

卷首有璜川吳氏收藏圖書朱記

平齋文集三十二卷

舊鈔本

宋洪咨夔撰無序跋賦詩八卷文多內外制之作是

書久無刻本此從宋本影寫甚精惜闕卷十一至十

四卷十九至二十一凡八卷擬從閣本補鈔之每

半葉十一行行十九字案仇遠稗史載平齋新第有

上衛王書自宰相至州縣無不摺摭其短大畧云昔

之宰相端委廟堂進退百官今之宰相招權納賄倚

勢作威而已凡及一職必如上式俱用而已二字時

相怒十年不調洪有桃符云未得之乎一字力祗因而已十年閑集中此文未載

西園康範詩集一卷

附錄外集一卷

康範實錄一卷續錄

一卷

明刊本

宋汪暉撰前有至正己丑張純仁序又弘治乙丑瀛

川章瑞序嘉靖辛丑裔孫茂槐序後有至元戊寅三

世孫夢斗跋又嘉靖辛丑裔孫珪跋外集載當時名

賢唱酬之詩及朱允升序其詮次發明傷寒書又明

人所作書後序記應其後人請乞者實錄則行狀墓

碣誄詞祭文及所編曾子子思全書諸序續錄則載

夢斗進曾子子思全書表及褒贈通直指揮二篇全

書編次龐雜無序以其舊本故存之

翠微先生南征錄十一卷 舊鈔本

宋華岳撰舊為毛氏鈔藏本極精板心有汲古閣三字

翠微先生北征錄十二卷 元鈔本

此書亦華岳所著傳本絕稀 四庫書目未採是本 猶出元人所鈔有嘉慶庚申顧廣圻跋 卷首有水鏡堂河南郡圖

書印二朱記

友林乙藁一卷 影鈔宋本

宋史彌寧撰鄭域序彌寧為史浩從子與蕭千巖姜白石陸放翁交亦一時詩人也

方壺存藁九卷 明刊本

題休寧柳塘汪莘叔耕著休寧仁峯汪循進之訂前

有端平乙未洛水程秘咸淳重光叶洽山陰孫嶸叟重光協洽歲後儀王應麟三序又嘉定戊辰閩風劉次臯跋附刻晦菴朱夫子徐安撫真直院西山三書序跋與書皆以手蹟摹刻後有汪循跋謂先生著述多不存所存者此耳故謂之存藁裔孫璨尙和顯應輯而期傳之一本顯應作學海或作孝海後來萬曆重刻本增入稅科提舉邵公行狀一篇又有淳熙壬申華陽宇文十朋跋乙丑改元鄞史唐卿跋此本皆無之

鐵菴方公文集三十六卷 舊鈔本

宋方大琮撰原集久佚此本為其族孫良永良節掇葺成編非完帙也舊為海寧楊氏藏書 卷首有海寧楊芸士藏書

之印
朱記

滄浪嚴先生吟卷三卷校元本

宋嚴羽撰題樵川陳士元陽谷編次進士黃清老子
肅校正首列詩話一卷詩二卷前有正德丙子歲甫
田林俊序末有正德丁丑長汀李堅跋原刻本多譌
脫仁和胡心耘以元刻本校過其劍歌行一首中重
氣輕生句後至放歌行元刻闕二葉此本加以然唯
諾三字即接下去殊乖闕文之義卷首有金元功
藏書記朱記

後村居士集三十八卷宋刊殘本

宋劉克莊撰有淳祐九年竹溪林希逸序原書五書
卷今存詩集十六卷奏議三卷講義一卷外制二卷
申省狀一卷記三卷序二卷題跋四卷祭文哀詞三

卷祝文一卷墓誌二卷所闕書牘及詩話耳世傳鈔
本亦非全帙乃後人分析卷第以足原數每致凌亂
失次此本猶存其舊每半葉十行行二十一字貞樹
勻字有減筆理宗時刻本也卷首有邵彬
冲林二朱記

後村居士集五十卷舊鈔本

宋劉克莊撰林希逸序目錄後有迪功郎新差昭川
司法參軍林秀發編次一行蓋從宋刻傳錄

玉楮集八卷舊鈔本

題相臺岳珂肅之著卷首有自序卷末又有自記及
谷蘭居士跋云辛卯從鹿苑友人借得鈔錄王漁洋
謂此書流傳絕少其家所藏從安邱張簣山得高唐
王家舊鈔本錄傳者也

棠湖詩稿一卷

影鈔宋本

題相臺岳珂肅之是書為宮詞一百首自序言慨想東都盛際文物典章之偉觀聖君賢臣之懿範瞭然在目輒用其體成一百首以示黍離宗周之未忘云云蓋仿王建花葉體也卷末有臨安府棚北大街陳宅書籍鋪印行小字二行每半葉十行行十八字案此書原刻本舊藏汲古毛氏今在嘉興錢衍石給諫家見其所題寶真齋法帖詩註此影鈔本即出毛氏紀文達疑為厲樊榭作北宋雜事詩而好事者偽託岳氏以傳其說非也

卷首有汲古閣及毛晉私印子晉毛扆之印斧季諸朱記

梅花衲一卷

影鈔宋本

宋李龔撰龔有翦綃集見四庫書目皆集唐人之

作是編集唐宋人詠梅詩成七言絕句百首有劉宰序卷末有臨安府棚北大街睦新坊南陳宅書籍鋪刊行一行蓋從宋本傳錄

秋崖先生小藁八十三卷

校宋本

宋方岳撰凡詩二十八卷文四十五卷宋時嘗刻於開化又刻於建陽又刻於竹溪書院元季板佚弘治中九世孫舜舉等搜得若干卷嘉靖乙酉十世孫廷孚等合前後所得刻之有鏡山李訊及族裔孫方謙序莆田吳煥章澤跋此本以宋賓王鈔宋本校過有補錄者如第六卷中牡丹多不開花題宋刻有二首此遺第二首詩曰韶風萬玉照吾廬昨歲駢頭今併疎自是愛花心不足何知物物有乘除其十九卷山

行題本十首此僅存七首其八云高臥只消雲半間
隨緣栽果與猿攀不將此手遮西日安用吾文移北
山雙燕來時春曉靄一牛耕處月寬間溪居已息機
心久莫遣驚鷗去不還其九云亦笑吾身立兩間古
人轍跡渺難攀斯文在昔豹窺管吾力不量蚊負山
有識其知方寸好無才偏得幾多閒一春大欠渠詩
在準擬晴時到處還其十云老子浮沉田里間犢車
轅許野人攀飲中仙去東西玉行處人傳大小山天
且莫教三月盡我今無負一生閒春寒正愜牛衣暖
富貴從渠晝錦還又文集第四十四卷末宋本多祭
費宰一首其辭云土山焦兮金石流赫炎曦兮炊予
軻公之來兮山幽幽梧桐凋兮楊柳黃星闌干兮澹

不芒公之去兮山茫茫仕何樂兮忽今古以輻歸兮
秋月苦君之別兮萬山阻賓王原題云時康熙六十
年歲次辛丑仲秋同錢枚方蔚周頌芬顧夏珍鈔閱
壬寅五月復以吳趨王聲宏藏本校一次

雪磯叢藁五卷

舊鈔本

宋樂雷發撰宋時有羅季海刻本明正統間後裔樂
韶樂武樂宣重編付梓有周洪謨序樂宣後序此出
自正統本

北磻詩集九卷文集十卷

舊鈔本

宋釋居簡撰張自明序詩集卷首列葉適贈詩小東
首行篆書云水心先生酬北磻詩帖蓋宋時刻本如
此四庫全書總目收文集一種詩集未經采入

文山先生文集十七卷別集六卷附錄三卷明刊本

宋文天祥撰公集初刻於元貞二年前集三十二卷後集七卷所謂道體堂本也此即其本合并之有道

體堂舊跋及韓雍韓陽錢習禮李奎序卷首有像

文丞相傳一卷指南錄二卷吟嘯集一卷附錄一卷明刊本

此明初書肆刻本吟嘯集名亦書估所題與指南錄有複出處以舊本姑存之

文山先生指南錄一卷指南後錄一卷舊鈔本

此明人舊鈔本末有嘉靖乙卯遂初居士跋

文信公集杜句詩四卷明刊本

宋文天祥撰并序宗孫禾川文珊錄刊凡二百首一名文山詩史後附張慶之集杜句咏丞相詩一卷有

劉定之張慶之徐輔序

疊山集十六卷明刊本

宋謝枋得撰題里生潭石黃溥編有景泰五年廬陵劉儁克彥序謂公詩文六十四卷屢經兵燹存者無幾監察御史黃君溥澄濟與公同鄉邑采輯如千篇正其訛謬各以類歸是為初刻本後有嘉靖丁酉古姚黃齊賢後序謂黃公所刻年久板毀遂鳩工重刻之是為再刻本也

竹溪膚齋十一藁續集三十卷舊鈔本

題三山林希逸著門人石塘林式之編前集已佚僅存此集廿五卷以後名學記皆雜論經子詩文其太玄精語一種尤詳蓋究心是書者又錄方次雲詩至

數十首今其集不存賴之以傳

柴秋堂詩集三卷舊鈔本

宋柴望撰後附詩餘一卷原集有道州台衣集咏史詩等名兵燹散佚此本為至正間其從子李武所輯有楊載序

蛟峯集七卷附山房遺文一卷外集四卷明刊本

宋方逢辰撰其弟逢振遭宋亡與兄皆隱居不仕有遺文一卷蛟峯原集已佚正集為五世從孫淵所輯外集為七世從孫中所輯掇拾散亡非完帙也有錢溥序方拱辰跋

蕭冰厓詩集拾遺三卷明刊本

宋蕭立等撰立等字冰厓寧都蕭田人登第後仕至

通守子士贊即注李太白詩集者冰厓全集二十六

卷有謝疊山跋已失傳明弘治中九世孫毓敏等搜探放失以存此本有成化壬辰羅倫弘治乙丑趙

鶴齡二序

陵陽先生集二十四卷舊鈔本

宋牟巖撰男應復編并序世無刻本是編舊藏海寧

楊氏卷首有海寧楊芸士藏書之印朱記

勿軒先生文集八卷舊鈔本

宋熊禾撰題鼇峯後人編後有附錄一卷前有許衡序四庫書目謂出偽託此從天順刊本傳錄猶為完帙

吾汶藁十卷舊鈔本

宋王炎午撰集本九卷第十卷附錄行狀祭文本傳
等作此從正德刊本傳錄有揭傒斯歐陽玄二序猶
為全帙萬曆刻本僅有二卷也

寧極齋稿一卷附慎獨齋稿一卷鈔本

題吳郡陳深子微父著後附其子植詩并錄鄭元祐
慎獨處士墓誌銘即顧俠君所見祝希哲手鈔之本
也後有題記云嘉慶丁卯八月知不足齋重鈔通介

叟記

仁山金先生集四卷舊鈔校本

題宋蘭溪金履祥撰後學喻良能校明韓求仲藏本
以朱筆校過與文瑞樓刊本微有不同卷首有韓氏
藏書求仲氏
二朱記

明書目金卷三
三

鐵琴銅劍樓藏書目錄卷二十一終

